

समे – 12:25 hrs.

<><><><><><>

### Prez. Panchayat Awards

राष्ट्रपति द्रौपदी मुर्मू अज्ज नमीं दिल्ली दे विज्ञान भवन च राष्ट्रीय पंचायत पुरस्कार प्रदान करडन। इस बरे जमीनी स्तर पर शासन ते सामुदायिक विकास दी व्यदापक उपलब्धिं गी दर्शादे होई **बकख-बकख** श्रेणिं च कुल 45 माहनुं गी पुरस्कार लेई तलोआ गेआ ऐ। समारोह दौरान पंचायती राज मंत्री पुरस्कार विजेता पंचैत दी नवाचारी ते प्रभावी कम्मकाज दी प्रणालिं पर इक किताब दा विमोचन करडन। मंत्रालय नै इक वक्तव्य च दस्सेआ जे इनें पुरस्कारें दा मकसद दुइयें पंचैतें गी सब्बनें थमां बेहतर कम्मकाज दे सरिस्तें गी अपनाने लेई प्रेरित करना ते ग्रामीण भारत दे समग्र विकास च योगदान देना ऐ।

<><><><><><>

### PM SIH

प्रधानमंत्री नरेन्द्र मोदी होर अज्ज स्मार्ट इंडिया हैकाथान 2024 दे ग्रैंड फिनाले च वीडियो कांफ्रेंसिंग रां युवा इनोवेटरें कन्ने गल्बत करगंन। ग्रैंड फिनाइले च तकीबन 1300 शा बद्ध विद्यार्थी शामिल होंगन। स्मार्ट इंडिया हैकाथान दा 7मां संस्करण 51 नोडल केन्द्रें पर शुरू होग। इस मौके पर प्रधानमंत्री होर किट्ठे गी संबोधत बी करगंन। स्मार्ट इंडिया हैकाथान विद्यार्थिं गी इक मंच उपलब्ध करोआन्दा ऐ तां जे ओह आम जीवन च लोकें गी पेश औने आलिं समस्यां दा हल करी सकन। इस दा सरिस्ता शिक्षा मंत्रालय ते तकनीनी

शिक्षा सरबन्धी परिषद आस्सेआ कीता जा'रदा ऐ। इस वर्ष 54 मंत्रालयें, विभागें, राज्य सरकारें ते उद्योगें आस्सेआ 250 थवा मते समस्या-विवरण सौंपे गये न।

<><><><><><>

Jammu SIH

स्मार्ट इन्डिया हैकथान दा 7मां संस्करण अज्ज शुरु। इसी शिक्षा मंत्री धर्मेन्द्र प्रधान होरें वर्चुअल ढंगे सिर शुरु करोआया। आईआईटी जम्मू च बी स्मार्ट इन्डिया हैकथान 2024 शुरु होआ। इसदे च 28 टीमा हिस्सा लै रदियां न। इस कार्यक्रम दा उदघाटन बिजली दी बंड सरबन्धी कापोरेशन जे.पी.डी.सी.एल. दे मैनेजिंग डायरेक्टर होरें कीता। मुख्य भरे खथवा आई दियां टीमा 36 घंटे तगर लगातार चलने आले हैकाथान च हिस्सा लै र दियां न। आई आई टी जम्मू दो दिन तगर चलने आले इस ग्रैंड फिनाले दी मेजवानी करा र दा ऐ। जेदे च ओह आम जीवन च रोजमर्रा पेश ओने आलियें समस्याएं दा हल करन। इस कार्यक्रम च आई.आई.टी जम्मू थमां 3 टीमां बी नोडल केंद्र कर्नाटक, दिल्ली ते गुहाटी च हिस्सा लै करदियां न।

<><><><><><>

### Parliament-Session

राज्यसभा दी कार्रवाई 12 बजे तगर लेई स्थगित करी दिती गई। सदन च अज्ज विपक्षी सांसदें आसेआ बक्ख-बक्ख मुद्दें पर हंगामा कीता गोआ। विपक्षी सांसद चेरमैन जगदीप धनखड़ी हुंदे खिलाफ अ-विश्वास प्रस्ताव आहन्नेआ। पार्लिमानी मामलें दे मंत्री किरण रिजिजू होरें विपक्ष आसेआ आहने गेदे इस प्रस्ताव लेई उंदी निंदेआ कीती। उनें आखेआ जे कांग्रेस

पार्टी गी एहदे लेई माफी मंगनी लोड़चदी। स्थगन मगरा जियां गे कार्रवाई शुरू होई तां फही हंगामा जारी रेआ ते राज्यसभा दी कार्रवाई कल तगर स्थगित करी दिती गई।

<><><><><><>

CM-Cultural

मुख्यमंत्री उमर अब्दुल्ला होंरें केंद्र शासित प्रदेश लेई इक व्यापक संस्कृति नीति दा आहवान कीता ऐ। उनें जम्मू-कश्मीर दी संस्कृति ते विरसे दी हिफाजत ते संरक्षण पर जोर पाया। संस्कृति मैहकमे दी सिविल सचिवालय च लाई दी जायजा बैठक च मुख्यमंत्री होंरें मैहकमें गी आखेआ जे ओह सरबंधी धड़ें कन्नै सलाह मशवरा करन तां जे इक पूरी पराती योजना बनाई जाई सकै। एहदा मकसद जम्मू-कश्मीर दी समृद्ध विरासत दा संरक्षण करना ऐ। उनें मैहकमे च खाली पेदी असामिं गी पुर करने पर जोर पाया। इस दौरान केड्र सारे महत्वै आहली परियोजनाएं दा जायजा लैता गेआ। एहदे च मुबारकमंडी परिसर गी परतिए नमें सिरेआ सौआरना बी शामिल ऐ। इस दौरान एह जानकारी दिती गई जे जम्मू च सरबंधी रिकार्ड गी डिजिटल करने दा कम्म सबूरा होई गेदा ते श्रीनगर च एह कम्म 50 फीसद पूरा होआ ऐ। कला केंद्र कश बनाई गेदी नमीं सुविधा आहली थाहर पर 6 लख रिकार्ड गी मुंतकिल कीता गेआ ऐ।

<><><><><><>

CM-Law Deptt.

मुख्यमंत्री उमर अब्दुल्ला होंरें जम्मू-कश्मीर विधानसभा दे औंदे बजट इजलास कोला पैहले-पैहले राश्ट्रीय ई-विधान ऐप गी पक्के तौरा पर चालू करी लैने दा निर्देश दिता। कल जम्मू दे

सिविल सचिवालय च विधि, न्यास ते संसदीय मामले सरबन्धी मैहकमे दी इक जायजा बैठक दी अध्यक्षता करदे होई मुखमन्त्री होरें हाई कोर्ट, मतैहत अदालें, एडवोकेट जनरल दे दफ्तर ते विधानसभा दे कम्में दा बी जायजा लैता। उनें अधिकारिणं गी निर्देश दिता जे ई-विधान ऐप गी बजट सेशन कोलां पैहले-पैहले लागू ते चालू कराने लेई भारत सरकार दे विधि, न्यास ते संसदीय मामलें दे मंत्रालय कन्नै तालमेल बनाइयै कम्म करन। मुखमन्त्री होरें 908 करोड़ रपे दी लागत कन्नै श्रीनगर च बनाए जा'रदे नमें हाईकोर्ट परिसर दी स्थिति दी बी समीक्षा कीती।

<><><><><><>

## UGC-CUET

वर्ष 2025 सोयां सामान्य विश्वविद्यालय प्रवेश परीक्षा छडी कम्प्युटर दे राणं गै आयोजित कीती जाग। विश्वविद्यालय अनुदान आयोग दे अध्यक्ष जगदीश कुमार होरें मीडिया गी दस्सेआ जे इसदे कन्ने छात्रेणं गी उच्च शिक्षा आस्तै अपने पंसद दा विषे चुनने च सुविधा होग। इस इम्तेहान च मेदवारें गी 12 जमात च पढ़े गेए विषयेणं दे अलावा कोई भी विषे लैने दी छूट होग। एह इम्तेहान कम्प्युटर दे माध्यम कन्नै 37 दे बजाय 63 विषेणं च आयोजित कीती जाग।

<><><><><><>

## JK Weather Update

जम्मू खिते च घटोघट्ट तापमान 5 डिग्री सैल्यिस दे कोल काल रेआ ऐ। खिते च सीत बदी गेआ ऐ। मौसम विभाग मूजब जम्मू च रातीं दा घटोघट्ट तापमान 5 अशारिया 4 डिग्री सैल्यिस दर्ज कीता गेआ ते बद्दोबद्द तापमान 19 अशारिया 9 डिग्री सैल्यिस रेआ। मौसम

विभाग नै 18 दिसंबर तगर मौसम आमतौरा पर खुशक बने दे रौहने दी पेशगोई कीती ऐ।  
एतिहासिक मुगल शिडक जेडी राजौरी ते पुछ जिले गी कश्मीर घाटी कन्ने जोडदी ऐ, 2 दिन  
गड्डिएअं गी आओ जाई लेई बंद रौहने मगरा खोली दिती गेई ऐ। एह् शिडक एतवारें गड्डिएं  
गी आओ जाई लेई बंद कीती गेई ही कि जे बर्फबारी करी शिडकपर तलैट होई गेदी ही।

<><><><><><>